

程  
侍  
郎  
遺  
集

程侍郎遺集初編卷四

歙 程恩澤 四春海著

粵東雜感九首

嶺海中閒起奧都水深山峭土豐腴萬花界斷空明鏡

百寶鎔成造化醺常隱諸星懸戶牖

嶺南近南極南極高故常隱諸星可

見飛行十日抵津沽

謂海船往來之速

從來饒有衣冠氣配得

繁雄楚蜀吳

一從陸賈侈歸裝卷握都夸世富强有客媚川歌得寶

偽劉置媚川都爲採珠也

何人臨浦復沈香海邊鎮廳時掀屋林外

金蠶夜吐光更有瘴雲渾似瘡能教俄頃變炎涼

自陸大夫

後入粵東者皆以寶區視之故天時人事日變日非

家藏洋鍤鑄精兵耳熟春雷動地聲傾里交鋒官走避

借軀償學鬼光明盜來清晝商幾斷

白日劫

劫到高年夢

亦驚

劫質人

古有帶牛成美政今無乳虎立威名

豐趺凝雪錦鞵圓盛鬢垂髻翠鳳偏素女圖開花蹀躞

念奴歌起玉纏絲

謂木魚歌

驚波不撼鴛鴦舫

謂沙面

斜照

尤明孔雀船

昔之六蓬船有緝孔雀毛作蓬者

豈有芳尊藏醖毒果然

華屋豔神仙

外藩吉利最雄猜坐臥高樓互市開有盡兼金傾海去

無端奇貨挾山來五都水旱多逋券

近來吳楚水災洋貨滯銷

羣賈

雍容內乏財祇合年年茶藥複換伊一一米船回

以茶葉大

黃專換洋米不取奇貨計之上者也

天生靈草阿芙蓉要與饕餮競大功豪士萬金銷夜月

乞兒九死醉春風

粵鴉煙遍地雖乞兒亦啖之

香飛海舶關津裕力

走天涯貨貝通抵得膏騰兵燹劫半收猿鶴半沙蟲

一酌貪泉百惑生縱然才智了無成外夷只識珠犀貴

廉吏須磨斧鉞行不解鳥言空聽訟未窮蠻狀漫談兵

須知仁獸當關臥多少豺狼總禁聲

經生詞客兩無儔學力天才老未休直以淵源窮馬鄭

卽論文藻亦曹劉尙書履去弦歌在

阮宮保開學海堂至今學者宗之

學士輒頽俎豆脩

惠半農翁覃溪兩學士

想見人心醇懿處必逢

賢吏苦遮留

粵東吏治民風稍漓惟士氣文風較前日進

新橙甘比張儀舌香荔腴于合德肌天與芳馨都是福

我來遼闊不同時越王臺上雄看月帝子峯頭靜賦詩

清遠峽

莫笑籠中無長物文章分得鳳皇儀

時歸袞帶羅浮蝶蘭數

展重九日吳石華曾勉士兩學博招予遊白雲山  
飲於蒲礪之雲泉山莊時陳範川李繡子兩山  
長山莊主人段紉秋年友儀墨農暨學海諸  
先輩咸集焉吾友王雷州爲繪蒲礪雅集圖爰  
繫以詩寄呈吳曾兩學博並諸君子同作

蒲礪之水何潺潺虛堂壓林俯竹竿禽言人語互相答  
祇有魚夢殊艱難左方連篠最幽絕雲影倒地生波瀾  
書畫奕棋琴瑟彈孰居無事常致歡我友吳曾兩學博  
招我郭外尋秋山云此墨農讀書處

儀墨農讀書  
蒲礪數年

主人

自闢詩天寬

主人段紆利開詩社於此

酒龍筆虎紛盤盤壺輜一巡

皆脫冠兩詞垣長肅圭瓚

範川繡子兩先生皆館前輩

五先輩者森

琅玕

梁孟侯譚居五君皆海學堂高足也

吳喜雄談曾喜默曾如香象吳

青鸞惟予不飲亦狂簡醉鄉况味清而安粵東風高不

可攀學希馬鄭文揚班思深力厚取舍正盡采蓀蕙遺

榛菅問誰闢此眾門徑有大菩薩臨華壇

謂阮官保太夫子

迄

今學海堂上客各秉絕詣窮其端我求明珠向南海離

朱喫詬驚愚頑崑崙第一未即得羊鬚首捋緣希慳

予

慕曾勉士名冀此番收作榜首而勉士適持服不應試

有友慰予予破顏一網難

盡十丈珊就中瑰瑋已不少木則棟梁珍則璫石華之

再傳弟子守師法息息總與師相關

子爲阮宮保務教再傳弟子

古學不淪墜縱有遺賢心則殫六先輩者神高閒不將

冬烘嘲禮官已試未試悉懋置亡弓得弓俱達觀我失

李程屈方叔未免當食停加餐天乎何爲疾疾我使我

不耐秋宵闌

子奉使行至贛州大病凡十餘日至羊城乃漸愈衡校時已大愈然坐至二鼓必昏

睡故心與力多未相副也

要當真力彌滿際或可剖石搜芳蘭吳君

喟噓曾君歎

平聲

復登小閣聆風湍大聲驟雨雜琴筑細

響天飈鳴珮環酒餘茶後臥清簟迴入僊境非人寰北



平題句廣陵飯合與坡老同盤桓

覃溪先生有題句阮宮保督粵時常在此

小我乘筇將上嶺岼高窺龍湫下鷺灘白雲庵頭樹裏

屋鶴舒臺畔霞爲欄平生有志泛滄海一望才到扶胥  
灣深嗟目力有限蔽何日看盡東瀾漫屐齒瑣瑣林攢  
攢夕陽金翠催予還酒星一散不可聚欲乞寫圖楊契  
丹諸君有作定超勝顧我先畫穿錐千再來之約指白  
水菖蒲增節花爛斑

大庾嶺

天南一角多梅花梅花以外天之涯昔人崎嶇踏雲霞

今人傳車從玉駟誰其鑿此張子壽誰欲塞此丞相嘉

樓船將軍破其瑕橫浦一入無留遮

黃浦關在庾嶺上張丞相未開之前

路逕

便向尋陋收輜車伏波乃走桂陽橋

伏波由郴州黃岑嶺入

其餘遠泛西江槎

下灘水下牂柯江今西江路也

橫浦逕隘蟠脩蛇嘉

不能守覆厥家子壽披叢闢磴道意令風氣通中華二

蔡瑩石平谿訝

宋時蔡挺蔡抗兄弟瑩之以石

遂使醉步無傾斜自茲

險失文則賒南枝吐芳北枝芽風日晴美停馬搗旅人

羈官忘路遐我來深秋見兩葩喜與紅葉相交加姁娥

障邀一看月霹靂泉畔頻煎茶要當花天臥香雪此福

輸與山樵誇吁嗟乎梅花以外非天涯越裳雞聲如打

衙

屈翁山云厓州每南風順聞占城雞聲如洪鐘自海外悠揚而至

清遠峽詩

自山足登飛泉亭

萬樹裏江水江水影萬樹一碧混天地白界一沙路帆  
積寺門隱徑轉飛閣互玉聲琅琅然秋瀑疊輕霧僧言  
凍雨後雷轟海傾注欲吸人影去行者屢回顧樵荅與  
梵語多爲泉所悞晴久自斂抑蹇蹇出深錮小亭坐巖  
竇當夏亦寒沍我欲窮其源雲滑不可赴

自飛泉亭登飛來寺

舒州無此奇帝子忽不樂螺旋繫紺綠隼背起樓閣對  
面畫屏風濃翠繞帆腳其下湏湟水羅縠風婉約清晝  
斷人跡夜半有笙鶴我盤絕磴上層折剝蓮萼舉頭失  
天宇若被竹樹褭揮手擲木葉誤中高飛鵲三休乃至  
頂一顧耿相愕竊恐南禺峯復飛入寥廓

道光壬辰閏秋予使粵東旋道出英德小琴詞兄  
官於斯例當送予出境因題此卷時在湏江舟  
中

蕭然林下脫塵羈各有名山各主持  
記取豐干饒舌語分明寒拾兩禪師

人間之屋宋井古天上之躔岷絡長  
敷歷一生歸去也 在山泉水依然香

大雪望嶧山湖

清絕一湖水雪來改其色四面白皚皚  
但覺波影黑平極一湖水雪來使之高  
琉璃突中心不關風起濤一繩南雁拍  
波急驚起老魚沙上立片帆渺渺何處  
投已裹煙雲萬重溼

灕水道中

刻露寒山雪後鋪  
冷煙晴翠罩平蕪  
冰花散作千林玉  
旱浪搖成十頃湖  
用世豈徒泝泝紉  
持身安得縻株拘  
昨宵偶遇影纓客  
索看腰閒玉鹿盧

小梅心驛道中

忽墮畫屏裏  
馬行何處通  
一溪當畫雨  
萬樹已涼風  
久慕龍眠秀  
今知鹿起雄  
時平剗關隘  
休說擣批功

題陳登之廢讀圖

名父之子陳登之  
虎兒書法斜川詩  
公侯筵上半虛左

夕陽醉墨紅淋漓才人讀書不祈熟鎔液菁華滿胸腹  
孤羆坐臥深叢底舉手一揮三百牘阿大中郎半冠蓋  
取青紫如拾艸芥豈知東野困一第遂使元英出三拜  
長安米貴不易居煮字不飽將煮書人貲得郎古相如  
一樣綴組懷銀魚司空城旦乃治術安用惠施夸五車  
君不見手判坊州生杜若二十八星笑著作天人科第  
爭帖括南華僻書束高閣何如一行作吏猶抱經筆硯  
薄溷連門庭老胥持牘雁鴛行旁有煜煜觀書螢

熊躋詩謝許渢生

深叢老熊春脰膚兩展其足追豐狐一矢貫白獺者呼  
截所舐掌歸珍廚君從何處獲四扶得非腰挾金僕姑

誰知換羊別有書虞戈所斫鉞於戰

君書似永興此四扶是以書易得者

餽我五枝紛離如枝經肯繁纏大輒族廬皆云臭如帑  
膈之難熟泣宰夫何術揉作龍門酥憶我十載山居初  
混淪無良虎豹都山人縛熊如縛豬其毛蓬蓬異雞雞  
以湯燖雞羽剔除持以沃躡去外麤毳脫肉出成瓠壺  
皎然肥妍如瑩趺宜著綠脣黃金絢割雞與躡同一鑄  
躡則雪絮雞紅鑪我呼廚爨踞竈觚依法瀹之姑徐徐



日午香發逮日晡四鄰嗟嗟走韓盧惜哉遠來風戾枯  
毛已伐盡髓欲無寥寥數鬻鼎面鋪不分申脰與曲胸  
但覺湯味醇而腴急謀山妻酒滿沽老饕一飽據槁梧  
手足躡捷筋骸舒我聞館熊不畏貙乃與蟲蟄同昭蘇  
雞制百蟲如制帑土受木尅良非誣譬彼小狷伏於菟  
人氣實能粉犀株此珍來自醫無閭不脛而走玉與珠  
土垠肉芝遜其殊吾于木瓜見苞苴良朋厚贈雖馬車  
豈若彈鋏忘其魚胸腹有法我則疏請君更訪鼓刀屠

題勵太守同勳七世讀書堂圖

雒誦聞諸副墨其人寫定斯堂但識夢中周孔不知世上金張

屋角江流如畫讀書垂二百年樹葉皆成文字蠅魚也食神仙

華望由于世德循良故是通儒明月一珠還浦春風萬蝶隨車

舍後池荒蒲塞之見蕪不見水也拔之盡三日水復澍曠誌以詩

積垢掩皎鏡掩與皎相敵鬱雲壅明月壅乃明所惕湛

湛一沼水莽莽眾穢羃漣瀾日以隘星斗失其爍魚夢  
東西隔蠅語高下逃秋窮葉易聚春泮冰緩析自非一  
巨塞何乃十稔厯我來昧虛照喚力急鋤剔承踵若竹  
筏飲刃似草壁平剗捲敗席深引拔銛鏑豈惟去蒲稗  
兼欲植蓂蕝陳根倏已掃細穀靜且晷是日好風至摩  
刮光搖錫其暝殘照入渲染采蟠霓招友共垂釣戒婢  
勿泝澣奴云闊宜泛稚謂潔可淅嗟哉千頃波漫等汎  
濫滴今茲鑒毛髮昔也溷沙礫撥雲與濯垢真宰在空  
寂還其盪滌性焉用再盪滌

偕滇生侍講遊萬壽玉泉諸山口占八絕

長楊五柝斷還連中有明湖鏡樣圓  
怪底綠波浮淺絳樓臺影壓蔚藍天

澄流十二水聲寬宛轉銅溝出上關  
和入春風清欲絕玉笙微喚磬微寒

罨畫屏開黃鳥坐琉璃風起紫鱗飛  
日移塔轉金鈴語時見僊雲落翠微

輦道清陰俯綠苔鷺羣接翅慣飛來  
香風百和熏人醉知有宮花萬樹開

程侍郎遺集卷四

士  
粵雅堂叢書

翦翦松陰楚楚山九霞如繡水如環五湖縱有花深處  
不在千門萬戶閒

稊稻平疇渾似畫魚蝦小市自成闌佩瑱澣女臨流坐  
草長鶯飛又一春

同遊龍井斂煙霞洞名也飲清風雨掖茶記與滇生兄同遊西湖勝處瀾

茗清談如目前事一事輸君詩句好五雲扶出玉蘭花滇生人直後曾

賜遊芳碧叢咏

玉蘭詩稱旨

隔牆欲喚孔賓騰其奈春眠倦不勝記否春容天語後

平揮紅日下楓棧春浦兄曾在玉泉山召對

厲宗伯競渡圖爲滇生同直題

中唐太液新波起畫鷁凌龍簇金紫千謳齊發萬槳飛  
劃破玻璃半湖水聖人端坐靈芝臺沐日浴月雲霞  
隈水馬爭銜九標至海鰲高擁三山來是時紅日正當  
午剛卯蠶鍾紛挂戶侍臣獻罷尙書篇詔聽鳴葭一

聲鼓汝南詞客眼福奇五雲深處窮攀追萬蒲酒綠僊  
樂盛拜舞歸來懷玉卮嗟予亦逐豹尾後適持英蕩黔  
南走水嬉過錦未親見剩有輕羅拜恩久婆娑樂神  
年復年漆塗船底能爭先聖人一笑罷其戲波臣川

后皆恬然堯舜千鍾孔百斗大禹何妨覆旨酒禁中炎  
戲斷僂童閩海紅塵辭尊首側聞吳越錦繡都亦屏散  
樂捐華襦但教五綵縛苦棟奚事百劇緣飛鳥此圖細  
寫天中樂士女如雲柳如幕紅芙缺處水天寬想見黃  
龍鬥青雀

題陳迺錫先生手藁應陳堯農吉士屬

明詩掃地鍾譚出誰挽頽風說建安卻愛閉門陳正字  
清如郊島剗如韓

招降功竟謝征聲自檢新篇續舊題筆陣不隨荊棘沒

過江猶見索征西

朝衣已換洪甯九記室空嗟史道鄰一卷谷音留閒氣

湖湘耆舊宋遺民

李子建爲史忠正公記室卽葬忠正衣冠者其出處與陳君畧同

題吳梅梁京兆傳硯圖

帝選大京兆於此通德門循良太守誰誦孫墨花三世  
香溫磨果下含飴膝上喜手把毛錐畫池水廉吏無田  
只耕石呼出公才親付此京兆詞賦傾班揚爭看落筆  
中書堂京兆直聲震朝野多少行行避驄馬作文草疏  
都如風敷歷中外通昭融間渠造詣何猛進只在青鐵



磨穿功況傳治譜青箱中河南第一推吳公方當據案

埽庭訟豈意灑翰來詩筒

用錢鑑尹開封事

君不見鄧家硯外

孫得吳家硯女婿拭何如范喬流涕受寫名臣心模祖

德

模德寫心見梁武硯銘

章臺走馬緩緩歸自汲清泉滌殘墨

### 題潘星齋公子蓮塘消暑圖

錦心玉兒公子水珮風裳麗娥應有酬花好句吟香飛

上銀河

紈扇明時月上玉闌憑處秋高邂逅采蓮人過須防果

宛宮袍

霧夕何郎得意初陽謝客論文升六鷺驚起都緣詩  
響凌雲

臨頓園林可愛鳳池毛羽多聲定向柳陰續夢手磨人  
鏡澄明

詠史一律

廿八華星笑未休如何杜若出坊州人誇林甫真仙骨  
客道何郎是鬼幽汲汲成狂幾司馬羅羅相附五諸侯  
納涼總愛冰山好只恐陽鳥在上頭

秋感一首

連夕風兼雨烏烏畫角哀模餉收暑去辛苦送秋來鎖  
院三條燭軍門百道雷捷書期早晚天笑五雲開

贈史荔園中丞

倪寬帶經鋤地東坡識字耕田怪底三秦父老望公如  
望神僊

處處杏花菖葉行行清隴冷風斥鹵都生梁稻無人不  
頌史公

河內方思借寇黔中又盼來廉公到梯田問俗請看稼  
蠶織織

題李石梧梧笙吟館圖

綠窗湘管珊瑚架縱不吟詩亦可人何況新篇雙跳出  
萬花飛繞鳳凰身

昔日江干挽鹿車而今徽佩住東華從知白蠟傳觀遍  
無限魚軒拜大家

一字師前互推許萬書叢裏共賡酬好憑翰墨和鳴館  
壓倒簫鸞寫韻樓

追題心餘先生攜二子遊廬山圖

公是詩流有數人談忠說孝出天真伊誰能賦廬山峻

歐陽有廬  
山高詩

只有蘇齋動鬼神

一門仙骨拜君家  
季孟元卿隸少霞  
卻笑雍通梨栗後  
但能昇得竹萌車

題小紅雪樓圖

老梅清勁小梅溫  
付與能詩雒誦孫  
試看長安諸甲第  
榜門多少奉誠園

瘴鄉如瘴困浮家  
何似藏園水木華  
飽卽讀書饑煮字  
醉來飲水嚼梅花

藤花菜食一首奉春浦光祿

采采供朝食瓏瓏摘晚花  
淘將金井麪蒸出赤城霞  
芹獻深慙薄蘭羞一笑誇  
時以此食獻太夫人不知新雨後  
宮膳可曾加

初夏澂懷園卽事

送綠千章合浮花一水回  
鶯從長信嚙鹿自定昆來問  
字留僊侶聽詩拜上才  
籬門蕭寂甚卻傍五雲開

喜雨

聖主咨嗟上帝聞  
龍星催雨下層雲  
滋培焦土高低徧  
泮散災黎億萬羣  
南畝歡聲三輔合  
西山霽色九霞分

生成一例無甘苦試看籬邊眾草薰

題曹傅相師三老圖

辛丑科三元榜太傅相公天下仰助崇德大錫殊禮名  
位遠駕百僚上班中忽聞輩行呼得非保相德水盧佳  
時吉日興莫孤曷偕會點歌風乎南城種花蠹旌節詩  
清文綺出冰雪每從二相索賡和如杜王岑鬥奇傑我  
師視學河南時正值德水瓜代期樞垣綸閣互先後一  
雙鳳皇栖一枝我師持鴈度嶺嶠其後亦駐南城蠹歲  
寒老友墨緣古送客虎溪成一笑我師最長精力最有

餘佐機理事恢恢如德水神慧性强記師乃倒誦銀瓶  
書南城服師詞翰妙洪鑪一鼓出萬竅軍書旁午日就  
昃搖筆尙答球鍾調偉矣哉文潞公富韓公孰有隨之  
君貺從勳階福壽總第一琴瑟杖履皆春風回思綠衣  
少年日玉貌照人如玉筆五十年來一彈指耿耿三星  
聚奎壁夏推辛丑己前己亥年三神山上三神僊吾親  
亦結金石契令我展卷心茫然山公在上等北斗願師  
長進耆英酒

近光樓消夏第一集步邠春浦閣部韻并柬田季



高四兄

樓上月缺復圓樓上人耿白憐風葉露蓋清且妍摩出  
表裏琉璃天杜田先生玉堂僊曉窗著書午窗眠文字  
之飲不獨酌憑闌呼友賞澄廓十年聚散紛在眼此夕  
此杯無此樂雲龍上下會有期難得破暑浮瓜時玉匣  
爭誇藥特健是日賞宋拓十七帖及寶晉齋帖宮袍合鼓簫參差田四兄曉  
音律就中浴鳧何太喜昨夜新添半篙水就中噪蟬何太  
急昔日柳陰今若此

季高四兄以試翰詹舉首超升學士尋放奉天學

政文人榮遇所罕見也賦詩送其行

幾年謁帝承明廬幾年手把種樹書幾年洵涕伏堊  
室一日作賦凌空虛九重嗟賞動丹筆天下傳誦奔  
鈔胥遼陽帝鄉萃華裾誰其導之成碩儒爲師爲政  
本一貫合用文黨兼相如西風泠然催使車高吟直過  
醫巫閭隼矚博古北肅慎弓衣繡字東扶餘大海蕩蕩  
賢愉愉歛幽作岐鳴鳥呼文武在上俗忠厚春陵佳  
氣無時無君率其徒帶經鋤耒簣百家耽道腴儻喜博  
觀拓眼界則有羣玉瑯嬛居儻喜射生戰禽獸則有鸞

翎金僕姑居就美糧梁水魚以供名流櫻筍廚不知登

高眺返照可憶消夏僊人壺謂近光樓紅蘂翠蓋遮不住月

躍波底如明珠軒窗快與五雲接風露卻共良宵徂棋

枰未冷香未渝易忽東矣田生俱聽雞騎馬十年事君

去我來三逕蕪予與君同直十年而共事甚少去來若相避焉我思行腳徧褒

宇未軼碣石窺元菟予足跡半天下而未至關東幼安根矩相對語

是爲許君祁大夫春浦漁生兩先生俱以扈從至盛京卽今柳老荷盡

枯送君壺輜酒滿沽祝君學業比韓范豈知文采追嚴

徐將軍侍郎半詞館濡筆合繪登瀛圖便當自署釣鼈

客一網收盡青珊瑚

喜雨

穀雨未聞雷田田麥甫栽  
帝容參佛去龍喜捧雲來  
得酒千花醉逢春萬病回  
滂沱一晝夜池漲柳毵毵

贈徐櫟亭大令

一部神泉貫斗台

趙長君著詩細歷神泉虞仲翔謂其窮陰陽之奧秘

免中詩境

豁然開

徐氏爲詩學者有免中徐公傳魯詩徐敦傳毛詩徐整箸毛詩譜徐邈箸毛詩音徐廣箸毛詩音隱義徐爰箸毛詩音其書與說

俱佚至先生則集四家之大成

鳴和豈特高岑調

先生

五七言

網佚真同馬鄭才王屋山頭頻弭蓋天都峯頂

鎮銜盃 九重方獎循良吏看取儒門大廈材

題郭大理畫蘭竹卷應吳大京兆屬

蘭竹書魂魄中藏草隸精妙香無定相斜雨有奇聲作  
者郭忠恕珍之吳季英石交胡可得掩卷不勝情

題畫

董源下筆傾前哲汪罕工樨絕有神劇愛孤山兩兒子  
萬花如雪舞初春

南齋老輩紛題句臨者無端列上方想見縑緗裁割際

昂頭高士亦傍徨

上方題詠俱是臨  
本然已爲人截去

阮宮保節相以玉印泥盒并大理石畫屏遠賜感

謝成二章

宋玉鍾山隈孕勝理且勝琢器成大圓區蓋掩而正琅  
琅四環響切切兩規併用以函芝泥溫潤出華覲月彩  
拖霞液其氣自胚孕能助金印芒著楮倍明瑩朝陪姬  
公讀夕對謝傅詠如何賁陋宇重寶來不脛繩窮匣旣  
解傳看爭揣稱一日三摩挲每捧必端定兩窗無纖埃  
斐几照文檠璚然美華帶仰見君子性呂刀無此珍郭  
筆不能競心印儻在斯笑抃拜嘉贈

物巧不自知大匠器使之心影以類形何異造化爲摹  
擬與雅似詞客忘其師一經指撫出宗派岐中歧異哉  
石文章有米有黃倪氣韻極渾古皴染殊淋漓蒼山洱  
海色粲然明鏡披亦有吳越峯淺騰浮脩眉一經指撫  
出小品都瑰奇言石石點頭願爲龍門基

灘上載書圖

累世襲蟬冕家無儋石寄廉吏生孝子孝子亦廉吏雙  
親老壽去欲卜爽塏地藉非仁者粟奚以庀祭器粗衰  
作書賈一棹走都肆上瀨與下瀨罔極萬行淚但見虹

貫月便識先生至負土竟成家羅列松柏翠葬錢取書  
值清絕古無二豈乏賻贈貲盡卻不爲利至今東平雲  
益然詩書氣豐碑不生金但長苔蘚字

謁明鞏駙馬墓作

在今永定門外里許

傳言鞏侯葬近在南郭外華表兩僵仆虎馬兀相對夜  
深翁仲語聽者一古檜人憫忠節魂樵牧戒侵害粉侯  
英雄器詩禮雜劍佩巍寢鳳皇樓婉孌皇八妹胸有經  
史腴大義述一再追尊建文諡力抹趙督敗其言雖未  
用其舌今宛在危乎甲申變勦賊半馳背貴主已前逝



子女計五輩縛子女柩側從容理黃帶自拔干將鋒一  
劃玉頸碎杜門縱烈焰生死結大塊貞風揚其灰巧與  
宮火會故應無仙蛻藏在石郭內此葬竟誰屬無乃衣  
冠代惜哉碑字剝似受斧斤疥史藁與志異吾欲攻諸  
稗前者梅榮定文武見梗概同時萬太傅率子犯賊械  
與侯相輝映侯氣益偉邁我遊柏冬日肅肅下馬拜偶  
及笄橋事吾友發深慨同遊者梅伯言郎中與榮定同族歸展侯大書  
素壁倒金薤今年正初得侯書櫛帖於廐肆其文云畫眉客夢花生筆詠絮人歸月滿樓可想見其風調也

題郭蘭石大理詩冊

醉來搖筆醒來驚  
腕力心光結撰成  
書自顏行出蒼秀  
詩從杜律得縱橫  
禁中方獎元才子  
天上偏呼石曼卿  
畢竟前賢無此遇  
九遷三召問蒼生

吳郭郎詩天月地恣飛揚  
東夷挾寶求珍翰  
西蜀焚香拜講堂  
四海墨花霑几席  
九河情淚灑篇章  
何人爲訂名山業  
此冊應同瓠本藏

題鮑馨山母謝太君課子圖

姊把金針弟簡編  
九秋風雨徧鐙前  
須知節母心多苦

一似蘭膏徹夜煎

漸看頭角玉堂僊又說文章萬選錢兒日有聞親日喜  
最難增益是親年

韋家紗幔匆匆撤鮑氏花驄步步工五色絲言風木裏  
一篇瀧表淚痕中

我亦孤惻賴母憐折葵畫荻度霜天而今賸有牽衣夢  
哭倒青山又七年

兩次過碧落洞皆未果遊作此

追錄壬辰與東作

碧瀾寸寸皆秋色慕此羽容非一年周說到難蘇說易

我今直賦到難篇

感舊三首

畢子廉

鐙

火色重瞳大呂聲行文亦麗亦縱橫詩心直接陳芳國  
才氣幾同禰正平人說疏狂多異態我憐直諒更深情  
遺篇漸逐西風散得一毫芒盡可驚

汪衡齋

萊

鄭鄉以外無餘學守敬而還此後身口誦六經兼注疏  
心通九變貫天人靈臺大衍參相訂

以優貢入都與脩天文志海島

重差一再伸

受河督聘至河工測量

每到清風憶元度秀髭玉頰

最丰神

凌仲子先生

廷堪

論史滔滔傾俗耳窮經娓娓動天心  
禮經難讀偏能讀古樂誰尋塊獨尋  
輦悅六朝花十色秣糠兩宋帚千金  
一瓢許酌滄江水記得山堂語夜深

卽事一絕

荷澀雨纖珠疊疊柳長風軟綫搓搓  
窺魚白鷺先藏影避雀蒼蜩屢易柯

題劉默園觀察乘潮圖

靈胥欲就海若戲素車白馬橫江來豈知篷背倚曾閔  
單身折入銀山堆海童驚呼御騶掾雙足躡人如踏巖  
萊衣拜親親歎絕攜得江波兩衫袖忠信錯軀行水中  
瞿塘忽近緣庾公孝子跬步無死地何況高堂禱佛聲  
隆隆我渡胥江在秋杪幾被枚乘筆頭掃歸來談虎詭  
奇變月白雷青天地曉

蕉雲二兄以盆桂見餉作此奉謝

誰將月窟閭浮影送入江南舶趁風贈我兩株猶矯旄

環君八樹正玲瓏  
潞亭蜂蜨隨香至  
寶藏雲泉與夢通  
聞道公餘親課士  
崑山片玉在堂東

題王覺斯爲宋雨恭續枯蘭復生圖

蘭枯不生蘭自昌  
蘭枯復生蘭更芳  
東風駐世長不死  
但有歲月無滄桑  
識時務者推文康  
首議廟諡尊思皇  
薦賢薄賦二三策  
口講手畫身琅琅  
堯仁舜智領其  
請浩乎仁氣春  
飛揚宜其子姓聯  
冠裳園林艸木爭  
輝光根荄九地飽  
雨露華葉一夕回  
風霜燕山夢醒聞  
國香酒酣磅礴烏  
衣王縱橫沈著各  
有態直以艸聖兼  
詩

狂丹青果屬右丞相名德仍作中書郎吁嗟乎名德仍  
作中書郎所南子固徒悲傷

送向三賢弟歸里並呈東壁賢弟

家學卿雲麗才名庾鮑新道深虛折已氣靜藹親人風  
雪侵歸袖賓朋繞墊巾鵠原相聚處輒語話艱辛  
不索胡奴米須依仲寶蓮舊香猶裊裊瘦鶴愈翩翩萬  
感門材後千秋几研前機雲應入洛看取著先鞭

沁芬叔外舅五十壽

金家香衙門庭貴第五才名小小誇燕賞新篇飛墨雨



指揮能事落天花

杜句云指揮能事同天地唐句云指揮如意天花落君時以指揮需次故

拈此

一割肉已通神理三折肱能抹結痂見說隆冬松

轉茂南枝郢樹鬥橫斜

題汪受之處士義烈事應寫園同年屬

弟返餘僊蛻兒歸亦國殤有膚成刻劃其血灑在黃賊

創避三舍君威藩一鄉至今風雨夜甲馬繞張塘

奪弟出重圍兄呼弟不知直教魂共語依舊手相持保

障烏聊接聯翳馬革危文孫青史筆雪涕補遺碑

臺花圖卷爲沈聽篁編修題

蕉坡竹嶼兵氛靖賢守排衙對天鏡東風一夕萬花開

不管人閒醉司命當時除夕綠衣公子裁錦箋惜春御

史催花筵不須翦綵貼奇樹自有頃刻爭神仙萬家爆

竹雷闐闐花光紅徧東南天詩成畫畢流賸馥波瀾直

到雞林前卽今將帥乘雪夜桐撓到處盃漿逐時臺灣正用兵

已得勝仗合歡釀熟送年光定有秋花壓春架番人以黍熟釀酒合歡爲

年

阿文勤五使高麗圖題者徧一時卿相內有德文

恭題一冊照齋師見之以爲家寶遂書一冊易

之師文恭猶子也

文恭詩翰真吉光天敕六丁下取將大阮琴聲小阮識  
片紙隻字俱收藏文勤數使西蓋馬欲拚對盧作羣雅  
名卿上相盡有詩一卷牛腰走都下文恭題句明珠編  
我師讀之喜欲顛急書一冊易其寶神妙直壓王羊前  
況師龍節履咸鏡玉兒宮袍發高詠乞詩乞札徧東國  
後月前潮兩輝映文恭手澤欣已還我師寶翰增舊觀  
誰歟彙作鳳墅帖副墨海外兼名山

鳳墅帖乃曾安父所集多一時名卿

賢相

漸冉

漸冉春如許輕寒勒不歸風隨飴笛轉月傍紙鸞飛  
石無一語喬松今十圍九衢燈火夜衰病夢魂非

春寒

沼雪莽沈沈林煙又閣陰勒回春雉口寒到蟄蟲心  
敲枕人人靜焚香牖牖深輪蹄如水去容得幾閒吟

統如曲

統如四鼓華堂開玉簫金管仍分排殘羹飮座椽燭灰  
美人強曳羅裾來欲彈不彈箏柱哀欲飲不飲玉山頽

不敢臨鏡雙徘徊  
漸全褪紅玫瑰  
四座鼯臥聲春雷  
觀者且舞且卻回  
明日落花紅作堆

雨後聞鶯

花外雨絲晴樓西過玉笙不憑鸚鵡舌  
自得鳳皇聲  
順耳珠珠轉乘時瑣瑣鳴  
儻教桑黹熟拚使柳枝傾

殘月吟

癸巳四月望後作

黑者古鏡白者鉤欲墮不墮天西頭  
山河影缺桂花小  
歸妹篇篇目眇眇眾星的爍各爭光  
何況長庚第如埽  
埽月月已殘雞鳴鳥噪銀河漣  
朱樓采伴拜夜闌尙祝

三五明團團

有駟者鹿四章章八句

有駟者鹿躡艸飲流其臥衍衍其行儻儻風雨如晦或  
見或不意其曷往乃潛灌蕭狎人循闕雙觥歸月疾  
呼弗咄如石聿兀何斯妄游豈爲飢渴忽被大創偃仆  
水側旅麗其性背羣斯值得食不呼孰憇其儼舍安  
就跼孰止其前禍樞昧蹈孰設其旋艸生叢叢有來  
其風翹疾入林厥聲蓬蓬囿人乃夢鹿由隍中謂予不  
信往求夙蹤

祁幼章孝廉贈詩盛稱園居之樂卽步元韻奉荅

兼示令兄春浦閣學

宮壺雨露三辰酒扇枕兒郎儲一斗太君堂上會姻戚  
自卯衍衍直到酉紗廚靜愛槐楸合水檻涼看見鴈醜  
是時仙官初退直西母正憑朱鳥牖園居屢動九重  
問佛樹何妨三宿久沉當新雨生眾綠已見銀塘發紅  
藕母曰母久溷汝爲汝其勤慎報恩厚不離跬步阿  
奴在進退渾如左右手君家昆季可謂孝譽滿京華萬  
人口機雲自是文章伯軾轍奚殊直諒友樹頭啞啞返

哺鳥室內媛媛乳姑婦新居堂廡極華潔不似藤廳漸  
傾朽我傍山坳縛荻障風雨漂搖聊且苟青年亦奉板  
輿至彈指斜陽感衰柳西鄰君况我所敬功名屬屢不  
先後君才英特我所拜行見長風萬里走每當朗月憶  
元度俯仰抑讓相人偶爾來瓢棄謝酒徒坐臥禪關一  
鐙守太君興發忽來止君定揚眉撫馬首平鋪紅雲蓋  
明鏡鏡中天地君知否不然往喫茅容饌看取盆池集

瓴甌

君新居  
有小池

謝人惠新會橙



嶺南二果天下奇粵惟新橙鮮荔支荔如好女澡秋月  
雪白花紅沁肌骨橙如名士中粹溫美言悅耳香悅魂  
我坐炎雲倍惆悵荔已曝乾橙未上妙才異地不同時  
夢寐芳馨曾見之風吹削柿斂虛牖漉漉黃苞馥沾手  
冰霜遜冷蜜遜甘腴而不膩清而酣潤回太真三伏暍  
療得相如十年渴何當酒醒帕羅開玉人纖指親拈來  
可憐萬里得此果擲向潘懷奚不可神奇腐敗同一車  
大摘小揀青霜餘天家不貴紅塵騎橘叟木奴沿故  
事拚將俊味押綱茶豈無相公忠孝家熊魚並好應嘲

我尙憶紅雲三百顆

程侍郎遺集卷四

譚瑩玉生覆校

程侍郎遺集初編卷五

歙 程恩澤 春海著

道光十有四年十一月初三日奉

命敬詣

西陵查工出都門口占

修飭 珠止歲有程略如鳥象助芸耕深慚五雉司工

正安用雙騶娖騎兵

時單車就道

南陌霜沙虛點綴西山雲

雪各光明恭聞

玉殿多甘露先向松楸驗發生

初五日宿公輸廟口占

小寺明窗底  
燈光迫晚冬  
遙鐘墮虛枕  
寒月倚高峯  
衲野無禪意  
花幽有醉容  
五雲來不遠  
其下萬株松

初六日夜不寐

愧讀冬官記  
經營喚奈何  
國工殷爾少  
林木液楠多  
未講恆沙算  
先緇舊築譌  
運斤防斲小  
況乃見偏頗

易水感田光事

漏言污卻田  
生耳田生到  
頸徇公子  
豈容客復知  
其事更聚白  
衣送易水  
奚啻揚言  
告秦矣嗚呼  
始謀不臧乃  
若此寒風蕭  
蕭筑聲哀  
哀白虹黃日  
蒼鷹徘徊荆  
卿一

足廢武陽如死灰開門坐待秦師來何如烏頭不白馬  
不角七首不入國不削再訪高賢比劇樂

大覺山感王彭祖事

八千妻女沈中易十百生徒竄大覺有婦堪陪石匄坐  
此身寧入棗囊盛

涑水道中

亭午無人指路訛強披蓁莽踏冰過山光西到飛狐口  
水勢東趨拒馬河此日村姬馱細馬當年邊將枕雕戈  
沈沙無限英雄魄怪底顛風撼怒柯

喜將晤奎總戎先此致意

濟美文章貴沈機武略宣威名周召虎雅對漢虞延

兼管

陵工

故云畫角昇平曲青鐙大度篇滿腔詩禮氣髯也望

如僊

昨掃師門席今登易水臺祇瞻松柏路憑仗棟梁材

歲修

等工有歸管陵大臣辦理者

三載停雲想雙騶送酒來詰朝鞍作几

隨意坐莓苔

祇謁

泰陵

秦東陵

昌陵恭紀

薄海人心肅恭惟 憲廟朝 孫神繩 祖武 任德

啟 文昭銀漢雙流迴 後拒馬河 前易水 丹山萬仞遙 萬仞山 名堪輿

家所謂 來龍也 雄關通月窟 華蓋倚霞標 龍虎盤終古 精靈守

大宵方中殊儉素 斥土儘宕堯 初日懸金殿 輕冰抱玉

橋 鳥耘伸九叩 雉正董 羣僚驗樹皆 甘露披沙盡 寶苗

畏 神兼服敎 弓劍在晴霄

徐無山懷田議郎



白檀東逕柳城分  
卷甲趨風敵不聞  
怪底田郎作前導  
阿瞞猶署漢將軍

漢賊萌芽鼎未遷  
子春早天亦翛然  
若非空器荀文若  
定作東溟魯仲連

公孫樓上無行跡  
袁紹盃前失酒痕  
只有劉虞真死友  
西風鬼語到黃昏

桃屯

北距涿州二十五里有桃萬萬株

沙壤宜嘉果  
桃栽萬萬株  
春紅繡天地  
秋碧飽京都  
禾黍偏勞助  
輪蹄莫漫驅  
年年風日美  
誰佩紫微壺

桃之外梨

亦夥云鴉兒  
黎出此也

旅壁有詩道關隘之險者作此正告之

入蜀青韁店通燕黑樹林奇兵須向導捷徑獨探尋劍  
閣奚堪據軍都有底深儻推無外旨空費史臣心

鈺夫少馬前輩招同李芝齡少宰何仙槎大空史  
荔園少馬潘芸閣臺長極樂寺賞牡丹作此奉  
謝

數叢深色十數枝竹間水際參分畦風露不與人工齊  
詭花之富僧自語錦幕雕闌昔何許舉袖猶作傾城舞

和仲夏詩集卷三  
暖風融盡燕支山綠陰幽鳥深掩關動地珂馬車班班  
從來賞芳兼賞葉如水如雲門窗溼柳絮成團裏蝴蝶  
僧飭供花嬾供佛佛亦眠香極樂國目送飛觥集芳月  
修竹請客鸕窺園自午逮申言笑喧莫遣蜀茶來叩門  
九邊

星鐔一指九邊收何止燕雲十六州鐵勒南來皆屬國  
大宛西去半通侯渠彌有階魚龍睡甌脫無烽虎豹秋  
自古得人亭障治長城萬里要深謀

逝水

逝水滔滔萬事徂，可堪志士日愁呼。  
更深月落星難替，春老芝焚蕙亦枯。  
應劫豫且能結網，乘時象罔竟求珠。  
長鐔短筆精神在，只恐輕提付淺夫。

乙未春闈至公堂知貢舉作

俊乂四海萃，曰惟七千強。  
其學有馬鄭，其文有班揚。  
不乃命世才，借文爲梯杲。  
不乃福果人，其文無短長。  
皆入龍門來，翦拂登朝堂。  
古槐閱客多，亭亭覆中央。  
夜燭搖月輝，七千人心光。

愛士士易驕，試士士不靜。  
藐茲三尺法，難齊萬人性。  
豈

無越畔戒亦有挾書令方聞自苟敕小已懷詭競膠膠  
復擾擾直欲反視聽道修而經明其本主一敬曰習孔  
孟語胡爲坦率行矮屋平旦氣宜思 國恩盛

八面可受敵應舉亦何有誰勦速化術棄書等芻狗不  
求文義深祗務揣摩久宦達昧古今見與吏胥偶于經  
識訓詁于史得綱紐其文縱未博其學已可守作者與  
知者如以杵投臼繆種倘流傳 朝廷亦顏厚

汲井取新水滌釜試新粥水香解春癘粥熟果朝腹削  
版若砥平且臥且書牘經營一不當懷中轉車轂萬緒

紛乘來脣焦舌瑟縮恐誤公期程難卹眾怨譴夜深煎  
茗坐朋勸可歸宿忽聞衝飈發欲捲卑棲屋傍惶遂達  
旦巡簷看風燭

風簾短檠火厯厯十二宵敢忘昔苦辛約束紛科條顰  
眉對先輩近者何囂囂大弓不受楸翩反任其昭憶我  
鵠立時官麾吏訶噍檢身守令甲遂志窮鐫雕彈指廿  
五年師門日蕭寥殘牙怯餅餌禿筆無瓊瑤儻使促坐  
試定煩墨汁澆此席已不稱況乃冬烘嘲

聞趙城警

城郭沿汾踞一灣傳聞有盜起榛菅何緣突過韓侯窟  
莫使潛逃霍太山猾吏野心窺肘掖老兵揜目枕刀環  
王師不費澆螢力第一須求破柱姦

絳帕焚香多伏處白丸入手漸橫行深憐上地爲儒禍  
豈料忠宣闔戶兵 帝賜九河湔苦淚天留一廟鎮孤  
城卽今豈少鷹鷂志須以卑飛寓擊征

至公堂卽事

整整華樓踐斗魁高懸天秤此量才西山樹色爭春遠  
東塔鈴聲入夜來雲鎖碧連煎茗院日斜紅上候星臺

風簷四度辛劬甚且凭朱欄釀一盃

三月廿五日朱卷掃數送內簾至公堂無事矣塊然獨坐作此遣興

春光溶漾花撲天九衢車馬朝喧闐閉門有客坐無事  
但惜春去心茫然文章五色煥龍首評者滿堂出一口  
關門有客不敢詢卻送星鐔上牛斗十本進呈由至公堂我居四  
角槃中央宛若守寂依禪房煎茶午炎試水味攤卷夜  
坐娛鐙光竒竒聒耳啟閉節兩頭纖纖盼新月待看神  
駿送金泥亦復歡如出籠鵲



題從軍圖

五千兵禦五萬兵以勇以略皆飛行大將談笑風雲生  
諸將驚定還暗驚卻顧行軍老司馬顏色不變殊淵雅  
問之何術可不思胸有六韜金版也秦蜀古道通猿猱  
雪花洗戟風洗刀秀眉玉兒真人豪飛書羽章用枚皋  
後來凱捷 帝其喜韓范勲名從此起關西節度持虎  
節傳箭直到天山壘憶昨把酒論將才公言不測同晴  
雷聚米山川要自畫成城志氣誰能摧從來貴精不貴  
眾一失機勢眾何用無謀無導務輕進坐見元戎斷鞭

從來相馬如相人請看一顧空其羣

爲煦齋師題趙松雪蘭亭十三跋真蹟殘本

右軍鬼入榮祿腕天欲一火焚其真師于王趙爲替人  
雖火其跡存其神六丁取去定無恙半在人閒半天上  
丹霞燒月色愈皎赤舌焦桐聲益壯從來奇蹟與異才  
往往墮劫遭風雷紀信孤忠伯姬節萬人淚灑洪氈灰  
君不見昭陵璽紙踞龍虎鴻爪雪泥留定武明珠錯落  
十三跋待聞王孫用心苦我師精寫還弄藏佇見歸舫  
騰虹光豈知寶玉三日爨真宰上訴天蒼茫誰摹繹山

垂琳瑯妙哉響拓傳僂黃公孫弟子舞劍器波瀾莫二  
神揚揚吁嗟乎波瀾莫二神揚揚何止買王誇得羊

追題吳南溪先生夢遊黃山圖

三天樹石清而蒼水環老屋書環牀直廬退食恣晚步  
落日遙見西山黃綠窗朱戶自天上茅厂竹籬非故鄉  
秋來對月歸思長一夕夢繞秋雲涼讀書咫尺悵未到  
遊宦千里心茫茫天都蓮花路險絕飛鳥斂翼猿猱僵  
孰居無事推行是尻輪神馬紛翺翺七十二峯題欲遍  
墨花飛處松風香先生峻節垂諫章眾山一覽如平岡

胸中雲海盪無際自然逸氣排天閭幻思臆想乃寶境  
奚俟形謀成其光我生五嶽見其四未得一浴靈砂湯  
每朝把卷趨書堂落日亦見西山黃昨宵偶展夢遊卷  
仰止嚮往殊徬徨神鴉樂鳥倘予竚便策竹杖餐松肪  
真耶夢耶不可詳請隨赤松張子房先生作此夢時在  
上書房直廬予題  
此圖亦在上書房直  
廬故詩從三天敘入

### 題錢舜舉梨花卷子

習嬾庵中半醉時舜舉有習嬾庵每  
畫須半醉時乃佳戲拈瓊管寫瑤姿  
六陵煙樹春來否寒食東風夢折枝舜舉爲朱遺  
老故云云

玉兒風貌雪兒姿薄粉慵妝小立時萬蝶分香渾不管

溶溶好月在橫枝

萬紅狼藉蝶分香舜舉句也

酤酒花前雪壓枝王孫佳句稱清姿人間不少瀛洲雨

粉墨飄零又一時

趙承旨題錢舜舉著色梨花詩云繁枝壓雪凌風塵又云與君酤酒花前

歌可見舜舉梨花不止此卷特不知猶在人間世否

### 春堂前輩令嗣孝廉計偕來京以卷索題

筵畔忽歌驪無端出餞遲難乘千里興彌助十年思重  
席談經口雙柑斗酒詩都將風月筆付與稱家兒

邂逅稱家兒長安望杏時雲霞黃蘗瑞冰雪古松姿合

采長生藥應刊絕妙辭叱羊隨子去吾意欲東之

喜雨 二月十八日

鬱鬱黃雲捲暮沙喧喧急雨掛簷牙風圍數市翼軫月  
雪壓滿山桃李花收拾癘瘠歸溟泮寵光牟麥出萌芽  
新花早葉愁炎暎輪與濃陰作歲華

看春口號

東風用一力樹樹爭天斜誰登五雲上看遍九州花

煦齋夫子以文孫申甫入詞館紀

恩詩見示敬賡原韻

深宵吉寢語匆匆

見公詩自註

又見文孫入彀中天鑒忠忱

增世祿

聖知詞學是家風一門彩筆干霄豔累代宮

花壓帽紅說土肉甘真食報故應萬口頌山公

數到花瓢第六賢

自文恭公至申甫世兄入詞館凡六賢

詩才賦口總仙

仙星辰覆向尙書接

文恭公文莊公

日月文從宰相傳瓊頌皆

偁大手筆

王庭先生

籍咸同詠短檠篇

時芝圃侍講率申甫吉士同攻苦讀書

東山此樂超絲竹滿目春光引鶴年

徐廉峯仁弟詩律精密才筆華整得唐賢三昧頃

以問詩圖相屬因取問唐賢意仿遺山絕句奉

荅略舉數端望漏正不少也

積波橫制掃齊梁合著黃金鑄子昂爲問宣陽文百軸  
何緣續以慶雲章

宣城高詠聞牛渚崔顥清詩在鶴樓爲問天才李供奉  
等閒摹擬鳳皇遊

少陵無體不雄奇韓子精神托古詩爲問南山緣底作  
可能無愧北征辭

賦才雄寡合低頭無本相隨逐未休爲問坡仙與元子  
漫勞辛苦謗詩囚



儲韋雅淡得天然各體精能數輞川爲問高人誰比似  
清詩句句盡堪傳

扁舟清畫工摹擬五字韋郎乏賞音爲問微鐘坐來歇  
奚勞求應不弦琴

賞花新井本傳譌內寵虞箴炯戒多爲問司勛街子報  
卻將輕豔詆維摩

探源屈宋奇而豔古錦嘔心在謬悠爲問少加名理處  
幾何不讓棗強劉

樊川俊逸飛卿麗暮氣詞壇拔幟登爲問微之翊風教

緣何抑瓠獎邨凝

非泥博辨韓碑奧疑杜疑韓不可詳爲問藩籬窺得後  
可容承旨復升堂

不書姓氏識文房少伯思清庶可方爲問偏師攻得否  
只堪佳句敵錢郎

高歌金石留書篋狂筆雷霆走雪車爲問杜韓何嘆賞  
左攜白跣右劉叉

武功焉可配君虞絕倒張爲主客圖爲問黎神胡異趣  
餘波卻遣四靈瀦

鼎邊喜服環相拜灰裏陰何撥欲焦爲問幼文辭絕妙  
何因遍訪北山樵

自題明星戒旦圖

睽睽明星照我北堂我母不寐曙寒如傷我省北堂卿  
饋醢漿今母何在索母無所獨與卿處明發自闕眷懷  
夜氣夜氣若何夢母婆娑

明星庚庚我趨未央寮案我哂昨候三商

道光壬午冬  
日成室時在

內廷倬直  
未請假也

君恩大賚母拜母喜曰弄其餘畀我女

子子

母以女畜媳  
常呼爲女

我剛而誕卿曰非宜大直若拙道固

委蛇去天咫尺子其敬哉謂余不信明星皚皚

明星煇矣日載暉矣母曰昭昭請視息冥凡百慢心萌  
于不見鹿家有政可移於官眉睫之際大賢所難報親  
已矣報君邇矣前路浩浩涉淵水矣天下有道我黻子  
佩與子偕老

白小山尙書以狴掌見餉葢一掌一蹠也詩以謝  
之

右手持酒尊左足躡屐齒桃榔林中月如水不勝盃勺  
枕石眠分其一肢值萬錢尙書待雪香山社正割駝峯

裏龍鮓德之休明致遠物直自南交走都下其音妙麗  
性好啼掌能拱揖能提攜想當握手舉肥際擲拳見血  
言酸悽籠中惟僕及酒耳此語已感黃封谿卽今僅見  
胼胝跡只合金鏃煮銀液可羹可馘苟况知奚必女唇  
甘似蜜腥唇爲上珍尙書餽我勸我餐我攬其指驚相看探  
囊合出昌谷錦擲米應向麻姑壇廚嬾皺眉欲削難有  
獺其手熊之蹯歲方晏冬且暝招朋儕洗玉甕乳蒸酥  
裏遜此味一癰春風敵三盞更縛珍毛配斑管送與尙

書書古簡

青鐙有味圖爲曹太傅師作

寫此青鐙味時當孺慕天

公前序作于丁巳年

尚書親講授星使

屢回旋寢饋五千卷飛騰三十年秋堂風露好寢繞短

檠邊

赤子心常在由來面目真佛光初祖地相業讀書人炳

燭沈麟士通經并大春醴醴良有味背誦口紛綸

耄年書味減欲讀苦遺忘公有記珠在皎如初日光

公

旬強識如少壯時

九天藜火碧五夜菜根香清靜黃扉裏依然

舊講堂

高文才八斗巧對璧雙聯粹掌懷三五傳鐙徧大千

公門

下士徧天下

詩書真可恃虹月至今懸何以荅 明主每朝

猶百篇

遊寶藏寺清涼厂

兩峯忽破處一榭明以做虛無盡齊一萬綠與天盪高  
樓出頭角圓水畫益益塔影墮煙細城齒齧雲上九重  
連萬井五色日晃眼慶霄龍虎氣人定自來往天苑幾  
處羅瓊樹夾金榜靈風山背至盛夏翠森爽雪泉與月  
夕清境勞夢想誰將千里目舒卷一指掌憑高豈不快

望遠失之悅見牛不見睫離朱同象罔三歎返幽寂鐘  
魚正交響

三月廿二日奉

命詣靜明園龍神廟謝雨敬紀八韻

聖主祈甘雨川祇護醴泉慈雲隨念至靈液應時宣  
麥翠三農慶花紅萬井妍趨公搖佩急銜命獻香虔  
廟貌山腰迴牆陰水脈圓周迴鵲觀清切濯龍淵樹  
色深春後煙光半霽前歸鞍尤愜賞活活滿新田

送韓珠船侍御歸覲



博羅韓侯冰玉姿工詩善繪能文詞炯如秋隼立太華  
骨瘦氣俊神嶽寄白馬上章動帝咨神羊識字逢清  
時會看金紫拾芥得卻道歸夢連環持自別庭闈甘數  
載大母含飴一親待從來愛日珍如璧惜寸惜分金不  
買上公華衮水蒼珮不及兒嬰伯俞采延齡益算何物  
奇遊子歸來壽人愷春風料理書畫舟萬花紅到天南  
頭望雲一日近一日餞酒三醺還三酬旗常鍾鼎君自  
有孝經一通常在手杜世閒豈少絕裾人逢著何蕃便  
搔首

憶春

鈿轂金鞍競五都衣香鬟影仿三吳  
海棠庭院春如繡燕子年光雨似酥  
畫裏遊絲難捉搦夢中佳句半模糊  
誰憐讀易局扉客看取燕鶯繞砌鋪

丙申三月下澣邀陳雪鱸先生俞理初黃香鐵溫  
雲心孫柳君諸君集棗花寺看牡丹分韻得寺  
字

枹罕其頤洛鄆粹江關百變尤姝異  
謁來一抹姮娥面偶見海雲紅照地

海雲紅紫牡丹也寺中皆粉紅惟有魏紫一叢

七寶不欄錦

不幙風焦日剝粉題瘁可憐文譙蕭寥甚花亦包羞不  
能媚金車塵壒瓦鼓鬧息嬌無言玉奴睡不有夢中傳  
彩筆誰暝花魂拭花淚雅材博學抗希古麗句清辭各  
名世

坐客皆負異才

淵淵浩浩杳難測相對渾如不識字偶然

談劇露鱗爪一呖吹來萬夫避漫將何肉惱法喜卻具  
伊蒲溷香積有芳奚待正封咏無酒不令陶公醉逖哉

貞觀逮今日幾飾丹霞幾傾墜何況花光草露跡一刹

羅頃琉璃器試看諸老牛腰卷更說僊人親手植

謂紅杏青

松卷及丁香詩碑

南能文字果持久東海揚塵非所議詞源心

印屬五客走亦籠東驅下駟綠陰啼鳥日轉午紅香叢  
蝶春已季祇愁孟夢起頻末復盼春龍渥芳意晴正緒  
風且訪芍藥榮後約斯烹善筍穉豐臺極樂俱在遠有  
興仍尋棗花寺

題鎮北王政秋鐙課讀圖

剪刀聲急書聲苦窗外秋聲又風雨兒飢母倦不肯休  
心念哀哀九原父母經通貫傳與箋兒經背誦傾流泉  
一鐙如豆眼如月老屋荒江年復年懿哉吾叔果英發  
敏捷文章貢金闕春風一騎報鄉里堂上太君未華髮

鄰翁鄰媼話昔初不負折葵親課書了了雙角母喜否  
今已爲郎爲大夫母言科目兒固有願得高名挂星斗  
也曾口授范滂傳亦頗心希仲鄧母卽今官暇萬卷開  
千辟萬灌成奇才問罷起居問經義潞河水滿安艫來  
時太夫人將就養入都

穀雨後四日奉攀芝齡少宰仙槎大空鉦夫少馬  
芸閣臺長小集國花堂賞海棠少宰以佳句見  
貽次韻

草具羅三白林妝合五家掃除青豆舍枕藉赤城霞小

醕金尊凸高談玉麈斜好憑天上管來染夜深花  
春色遽如許難禁蜂蝶狂禪關局采伴芳國拜詩王前  
輩餘壇玷清時有豆觴畏吾村畔路還爲落花忙

綈仔玉印詩

截肪方寸腴可餐繆篆烏頭紛屈盤日華映雪愁燭乾

點朱入肉紅而殷綈仔妾趙文四言縷衣爲綈稱去聲婦

官亦云健飲紓舒安大當以下推崇班漢武帝制中宮

貴天水一姓三其鬟趙氏位健仔凡三一鉤弋高居

堯母門雙燕飛啄倉琅根若云拳握玉鉤闌得無纖指

親控搏金霞帳底月蛤團得無擎此掌中看夜光珠照

膚體寒得無珮此來珊珊可憐姊妹承恩歡父馮萬金

非趙曼何如望氣求河閒奇女子有黃雲漫時無昭儀

位尤尊金章紫綬同賜頒始鉤七時健仔最尊至元帝此

紐文采鴛鴦蟠叩鴛無語深可歎鴛鴦自有分明尋其

流傳自冰山據李竹嬾記此印嚴東樓曾寶之冰山錄乃籍嚴氏譜也亦弄墨林紫

桃軒墨林所藏後歸竹嬾比來歸龔復歸潘龔定庵潘德輿日千按筆百

循環媚虹嫵月秋霄千想當印信初封完嬋娟煙視花

破顏無論錦帶誰礪初總貯金屋珠奩端二千年來數

梁園

梁王后璽見印譜

此尤芬逸今季蘭願將紫泥印千緡豔

呼官氏留人寢

顧南雅畫梅爲何子貞題

篆籀爲花艸隸枝能將八法變恢奇林逋老去圖佳婦  
摩詰生前定畫師大有精神向晴昊可無題詠映當時  
參橫月落寥寥夜消得何郎絕妙詩

丙申七月七日攜酒食就友石同年宅奉邀吳荷  
屋徐星伯兩前輩溫雲心同年各攜書畫會看  
荷屋有詩因荅其意



七月七日宜曝書東鄰竿曳貂檐褕西鄰遂啟長康廚

襍綾碧鸞錦擣蒲蔡經家有狡獪珠輦珍門之溫與徐

長髯秀目延陵吳似米不顛倪不迂藏弄精贍東南無

亦攜躩玉籤珊瑚免中徐公今漢儒手繪泐澤昆侖墟

星伯前輩經術湛深尤精西域地理袖易瓠本稱宋初是日攜宋槧單疏本周易飛卿

嫺雅清而臞欲觀北苑當從吾雲心同年藏有北苑真跡須款門看之蔡

侯一一自卷舒每發高論先大呼友石同年收藏富鑒別佳尤喜談論九

經三史誰則儲陸為九經三史鑒藏家以張吳顧有唐宋元來于于書

訣喜見龍蛇據畫禪靜對煙雲鋪或徵古制瞿與觚知

人論世訂史誣晴虹出笈光照廬興酣談鋒敵兩都評  
書讀畫豈俗夫昔有妮古歐陽蘇攷其政事皆偉如何  
曾趨起轅下駒擒魚反兩叫梟盧左提安陵右閭胥引  
之雅筵輒囁嚅曷若守此千金壺以較博奕猶賢乎我  
珍敝帚懷琬琰徒以耳鑒知其麤秋光似水雲似練銀  
河倒浸新蟾蜍滿堂欣然酌市沽臥遊何處非五湖穿  
針樓下走白魚今我得見秋山圖陶秀實因祕閣曝書  
得見秋山圖引黃筌  
之評公詩天籟吹菰蒲我詩自笑詒癡符

贈徐星伯前輩

指掌河源米聚山蒲昌葱嶺屹中間千秋著作天公界  
故遣甘英度玉關

兩賦已傾耶律博

先生著新疊賦爲千古奇作耶律文正詩中多說西域事一編還

證小顏疏

漢書西域傳補注

誰憐雪海冰山外獨據銀鞍纂異

書

小策青驪顧盼奇刀光如雪擁新詩材官伏地先生笑

勒馬天山自打碑

先生手拓姜行本紀功碑海內只此一本

數載流沙賦采薇刀環夢繞馬頭飛袖中拈出昆侖影  
抵得封侯萬里歸

潘紱庭琴趣圖

琴德悄悄優矣風標舉舉僊乎但道體清心遠不問成  
虧有無

琴在綠陰有夢人如文鳳儀霄滿腔醅釀詩思只待天  
風海潮

拈花寺有元人畫雪景儀徵相公辛未年題一詩  
今復裝池命與荷屋前輩同作卽次元韻

山容詩影清可畫紅樓玉溪天半挂繪者不名題者貴  
值抵千金國門賣碧紗籠佛火照廿六年來拄香界

辛未至丙申  
二十六年  
觀河菩薩重訪舊鴻爪不磨雲不壞門前

補柳感今昔馬上尋詩寄清快渲染難窺摩詰粉以竹

弓彈粉  
畫雪  
吟題疊見勃海怪覃溪先生荷屋前龍工試手

呼欲出助盼雪甚殷焉用霧珠泉上拜屬僧寶此文字禪雨

護漏痕晴要曬

送梁芷鄰前輩巡撫粵西

孟晉急展采志銳養益薄大道在易退一寂弭六鑿功名等墮甌謀慮蓄虛壑惟退心炯朗惟退志澹泊其量乃曠遠其學遂深博古來勛業士弗受簪纓絡公平十

載息初仕已屈蟻會當急流際美疾三載托天鵬逼身  
至鼓翼上寥廓市歲行萬里晴空一雲鶴返叩中所有  
箸述挂延閣帝知确乎者不腆位與爵界爾邊要  
地收取濟時略

二嶠

始安臨賀

綰轂口盤江滙流東

合省水皆滙盤江而東

山奇水激

清八桂天府雄南交襟其邊苗獠羣其中一笑不足籌  
泰平同我同政和訟則理蠻髦環一宮政頗訟不平赤  
子皆羌戎恭聞馭邊策清德實可風捐金抵珠犀種苜  
百技窮公清比湘源已半智勇功

十齡識公始壯乃共官轍後堂拜老母小燕賞詩訣荆  
州喜相值落帽對弭節吳門銜恤過公喟我嗚咽交情  
四十載一聚償百別翰墨古香冷文酒心印熱連歲與  
公遇相對各欣悅公望日赫奕銘勳到地留我學苦多  
歧又苦障未徹荷重覺力淺緒劇媿才拙公平益靡我  
使我明作哲厚穹久不雨風燥氣炎烈南行犯溽暑北  
望隔朔雪設施先巨端拔擢定英傑遙聞樂職作不覺  
展齒折

賜墨樓詩和雲西宗伯前輩元韻

宗伯親陪介雅筵異珍

頒下翦鐙天

山冥賜多珍而墨尤可寶

早聞硯側呼松使欲向人閒畫墨仙以漆投膠新制度

乾隆年閒取金元以來古墨碎者重造成挺印日大清乾隆年長春園精造

如香著紙舊因

緣絡煙方法搏沙手尙憶

堯書點竄年

長春記茹證當時此論曾徵大庾師班孟文章隨口就

先生工詩文甚敏

李邽精采隔囊知

先生善鑒墨

鍊形又歷

三朝

久守黑渾忘一已私好築樓藏烏玉珎國花庭院露初

垂先生庭前牡丹頗盛

釣魚臺展襖和荷屋中丞韻

程侍郎道集卷五

五

陶雅堂叢書



舊水續續新水新一洗九陌西風塵齏淪曾滙百泉脈  
空廣奚啻千由旬況當雨後清粼粼長安水邊多釣人  
昔者照見林宗巾本來無垢亦不淨奚爲濯此欠壺身  
觀河面皺付一歎刻舟劍墮忘其痕犀首無事且飲酒  
任公得糖方垂綸莫持絮果嘲蘭因花開花謝都無定  
眼中日月雙丸奔展上巳日眞良辰張裴袞袞得妙理  
擊束斲斲紛解神百昌相待娛治春窮渭之亭洛之濱  
公詩清拔決勝頻令我再拜呼吳均

海帆前輩以椒珠見贈奉謝

寶袞絲貫絲垂經巧作牟尼礪何形花底能招赭爾鳳  
天邊疑散玉衡星新紅蜀雨搖來辣舊紫朝衫染後馨  
豈特盈升說蕃實還同鏘佩土 明廷

海風前輩約赴握宅看菊還集尊齋菊亦爛然敬

### 步元韻

兩地秋容絕點塵信香寒蝶勸頻頻膏騰送酒非無客

辛苦栽花大有人

上客爲芝軒相國  
座中皆受栽培者

飲戶窄愁觥據侈

詩懷圓與墨池親晚窗冬愛暄妍甚好共東籬作小春

嘉平十三日大雪次日未休積尺許矣奉約吳荷

屋中丞徐星伯前輩徐廉峯編修集鴻生舍人

寓齋分韻得表字

去冬冬晴六花小今冬坏蟄液雨少漫言蝻孕宿麥朽  
愆陽中人人振掉九重捧鬯對天語一再祕祝通  
深杳陰雲下垂不俟霰如毳如茶地天皎萬人提壺欲  
起舞一客犯寒先破曉吳家庭院倚桂樹手召素鸞來  
木杪鄒枚旣集宜作賦其柰堅久結墨沼斯時凭檻逞  
心目但見銀雲收不了數峯玉色逼幽戶一碧城陰界  
飛鳥夕暉烘出絮溫燠脈月盪成波浩渺過去輕車似

煙艇誰家古屋覆叢筱超然臺與益公室直以高曠兼  
宵窺塵談傷政越三鼓耿耿橫參醉霞表歸來偃臥不  
噤哱夢見明年飽新麪

東坡生日吳荷屋中丞潘芸閣祁春浦兩侍郎徐  
廉峯侍御集顯處視月齋拜笠屐像觀荷屋中  
丞所藏宋槧施顧注蘇詩本以一曲鶴南飛分  
韻得飛字

紹聖二年臘十九重辨師以書爲祈是年公六十南華  
重辨師以書物相  
祝元符三年臘十九談妙齋裏香初醅是年公六十五  
與蘇伯固集談

妙齋集名香

斜川數詩頌公壽

斜川集壽大人詩六十一是七言古六十五是七

言律

一居惠一度嶺歸楚人祝兮越人機金籠放鵲鶴

南飛白日上昇果何事

見斜川集

公乎得算未古稀豈知七

百餘載後歲歲祝公歲終機人生安得如子壽有道或

有相賓依

斜川集壽大人詩有道或有來相賓

公詩百態窮深微願乞公

授妃呼稀公今遊戲人海否青衣告夢來頎頎北斗亦

飲真一酒西山誰采元修薇奚勞想像寫玉兒一十六

星天際園延陵朱槩世所希乾嘉名輩排珠璣或題或

詠或圖畫五家隊繞三春非公詩貫中譬元氣百骸九

藏增其肥前日對雪蘆之碕今日叢書門兩扉風篁二  
老是邪非勝友且辨且進嘖沈遠同甲偶然耳退之磨  
蜴其庶幾四十監州賦杞菊五十人侍腰銀緋功名百  
歲亦草草英靈萬古高巍巍俱言水仙合薦菊爭向戒  
祖求傳衣我詩險拙儕劉輝公其哂我杜德機四賢詩  
成左右揮梅花笠影春風幃

陪儀徵相國遊萬柳堂四首

屋少水逾闊寺孤雲自行甘棠五畝宅梵樂六時聲壇  
坵名猶震岡巒勢未平萬人齊種柳省識好風情

補柳綠生波

益都種柳儀徵太夫子補柳

花襪烏亦歌星朝觴舊雨

秦小峴

霧夕詠新荷

公偕朱山人常宿此

安用樓臺起依然風月

多碧紗籠字處卅載未揩磨

草橋休誤指柳徑屢成圖

公屢圖此又有柳逕停雲圖

煙水傾東墅

風神蕩北湖

公家塾在北湖

望崇文潞國學貫漢經儒弗倦登

臨興鳩筇不用扶

春從長者視半日話拈花

春閒與吳荷屋中丞侍公遊此偶借仰廚饌

兼分佛鼎茶水香留墨瀝

諸鴻博舊遊地

地僻入煙家再訪蘆

中客還應憶子華

題石夢詩畫

爲吳荷屋中丞

點綴霞標入畫家  
瞢騰楓徑一停車  
卻將夢裏邱遲錦  
喚作天南苟扇砂

翰墨淵源自一家  
晴虹飛繞載書車  
歸裝只有鬱林石

分貺都無玉象砂

李文饒事

倪黃一角付煙家  
我亦追隨丙相車  
淺絳峯頭歸夢遠

玉池溫水養丹砂

黃山有硃砂峯下有硃砂泉卽溫湯也

題吳荷屋前輩衡岳開雲圖

衡山如臥如障雲  
風出軫野連江氛

衡山上應軫宿故多風埃五峯



飛霜六月冷縱有皎日陰霾吞開雪霽雪偶然耳往往  
自誣夸異聞海南仙人總三軍擣虛批亢排凶門桑弓  
失鴈俱崩奔繫其僕鑒如招豚但將衽席奠瘡痍不與  
貔虎爭功勛去時望禮祕祝繁歸時凱歌雲鳥喧鳩筇  
不杖杖師節乘輿直到芙蓉尊颺翻鐵瓦夢犀甲斗插  
鐙牖通天閣五更起看海潮沸九霞中擁黃金盆湘流  
五疊綠成帶楚山一抹青無痕鑿翠惟聞盪胸句磨崖  
卻少班師文年時勞荒走千邨肉其白骨歸其魂今茲  
旁午散羽檄獨坐大樹忘朝昏岳靈鑒此一腔熱故假

神柄聞荒屯人爭持贈嬾殘芋公亦屢拜當陽 恩憶  
我瓣香叩華存眼前咫尺迷濃霧大星螢滴敗絮褻奇  
冷蜩縮重裘反媿公同飲澧與沅公名遠掛扶桑暎

立夏前二日鈺夫前輩招偕仙槎大空前輩偕同

人集極樂寺看牡丹

漫勞撫景歎辰徂檠戟門高積慶餘見說犀光明夜渚  
要傳荃體豔秋蕖日華學士非無賦城旦司空別有書  
自古入貲偏異用試看黃霸馬相如

每從方睨滌方中便覺流光水樣同捫籥談天馬不學

捧塵益岱竟何功  
錐椎等用憐余拙  
竽瑟兼羅羨子工  
瞬息東風過  
宣曲宮花先擢一枝紅

槎河山莊詩爲劉燕亭太守作用朱文正韻

九仙山容九仙骨  
篤毓人物皆堅芳  
下有邃宇樹奇古  
上眺海若煙冥茫  
文正讀書比文彊  
埽秋不使三徑荒  
文清繼起相兩世  
揖讓燕許包韋匡  
江湖魏闕天一方  
謝墩付與烏衣郎  
人多屋少笑語闕  
圖書雞犬兼牛羊  
何人政成謝名航  
甘棠五畝留馨香  
山莊爲方伯公築一屋幾  
比百孫院累世遂獲三公祥  
仙莊水石集元白妙筆烟

景超倪黃披圖屢見瑞室頌並海先問麻姑桑西豪里  
門鄭公鄉清芬舊德胡可忘居官牆仞記先友君其有  
構追黃裳

三月初九日晡風而雨土天漸黃赤且晦昏後忽  
小雨亥刻大雨次日卯刻乃休是日吉亥

聖主行耜田禮喜而有作

曉暉未收風捲沙闌窗無燭飛黑花須臾樹響砌紋溼  
如暘忽飲甘露汁堂虛幕冷度三更此時無聲勝有聲  
風力漸增檐溜動九衢車馬斷塵塢傳呼 清蹕法駕

來綠雲鐙影觀耕臺。鼉尊旁布樂歌起。風聲雨聲殊未  
已。洪縻弗御。天顏歡班三畢從。天目觀黃金白璧  
買不得。雨自九重念中出。音官候律說協風。况乃三  
白連春冬。農官情職笑拊缶。自今以始歲其酉。

三月十三日送

蹕後偕荷屋中丞極樂寺探春中丞飭辦素食食之斐  
然有作

佛以香爲國香緣卽佛緣燕商三徑雨龍掌白花泉古  
閣餘焦土。明進士曠鳴鑾事新居儼列仙好春謀一醉曾爲海

棠顛

東雉西勾路和風送 翠華偶吟光政馨來飲趙州茶  
象笏勞參證瓶齋只咄嗟園中無限樹先放倚雲花

玉淵潭茗話

玉淵潭上水萬疊綺羅風風戀柳陰底山眠花霧中談

高魚夢警坐久鳥言窮太息王飛伯文章爲底雄

王鬱字飛

伯金人隱

居於此

送吳荷屋先生藩閩

罷鎮猶提半段槍毅然雄略靖都梁

教匪圍武岡公已罷鎮猶提兵剿撫

五年美政聞 天語六月培風到海疆芳草綠添新墨

沼

公前在閩捐廉築鳳池書院

好花紅徧舊甘棠壺漿父老喃喃話

博得籌邊兩鬢霜

沅湘使節際艱難左擁文書右據鞍十萬鴻鰲朝索哺

三千瓠種夜探丸論功漫逞鷹鷂志報 國先求在席

安退食從容尋治本一編官禮炳如丹

輯吾學編通古今禮

憶昔初傾大雅材蕙馨仁氣拂雲來隨公種橡誇除土

助我棐經影相臺推測深微風削梯商量出處月銜盃

誰知一紀重談讌玉躔金題取次開

居近門幽儼陸沈茶瓜鐙火度宵深偶因埽壁成三絕  
儻用封侯抵萬金此去再花旗節樹及時還譜荔支吟  
春風帶雨東行急無限人閒望歲心

解環

解環固不易理絲良獨難矧乃環九規重以絲萬端心  
手俱茫然挑鐙起長歎抽刀斷其絲引椎碎其環炯炯  
天際眸豈在牛背閒

題賜馬圖

侍帝左右帝所親必有良馬如正人馬知人意惟



所命一步一趨無不敬龍媒俶儻天閑來曾游闔闔  
觀玉臺再拜撫摩不敢策踏月追風倍珍惜河閒禮樂  
東平賢朝回覓句籠吟鞭道逢監牧王毛仲猶說馳雲  
域西貢騎中口齒圖所難重圖賜出真榮觀何當騏  
驎鳴櫪下三世好儒同好馬

湘林侍郎以劉文清手蹟見示一七佛偈一手札  
一會榜貢士名及文評各繫以詩詠歎之

淨飯生牟尼是爲第一祖如何金色仙厥位次第五意  
著大善生乃與勝觀伍聲若師子吼口作梵唄語如何

說偈時乃成五七古得無大迦葉潤色金剛杵洞門一  
童子性契宗乘普似六朝人書姿態何媚嫵遠紹裴公  
美版依說淨土

右七佛偈

二王揚其波蘇黃溢其瀾匪爲書沓拖吐屬亦可觀公

腕右軍鬼公筆元瑜竿千載懷袖中字字青琅玕

右手札

花飛放榜天官燭搖露初餉名忽拆名一笑淡墨書淪

茗重論文昆侖得意珠朱衣旁點頭品評殊不誣試官

老歐梅進士今韓蘇古楷追鍾王竊恐歐梅無譬寫千

佛經智慧隨如如

智慧如如皆佛名  
右貢士名及文評

花筩

截竹貯雲霞如瓶累累加鳳皇十二管旌節百層花

旌節

花長五尺層層有花

綽約移春便曹騰拂帽斜洛如文字樹比儼

最清華

洛如花形似竹郡有文士卽生

殺青防迸裂集豔貴鮮新金帶圍君子鄉筩醉玉人芳  
根深附托太節本輪囷一顧盈門爛風前倍有神

題徐訪巖同年灘江送別圖卽送之官皖水

出守甫六載拜

恩已三擢

天日照庭戶臣節易昭

暉徐子路南傑內瑩外抱璞望郎治劇郡到處頌魯卓

全活千萬人適會聞災剝間人方截鐙灘江倏鼓櫓鸞  
驂戲桂海飛旆指瀟嶽九叩謁前席溫語聽數數  
君房善應對德滿情益慤還我待漏院未語臂先捉君  
謂我皖士定知皖純駁我久別鄉里風聽殊不確昔者  
邱公能不受吏胥脅偶施霹靂手一怒痛呼鬻今聞周  
侯猛巨慙挫牙角清領半焚棄妖霧斂蒙濁新安好山  
水棚戶恣采斲木伐山則童石墮水乃樂藪盜大藏垢  
伍伯不敢撲歲康尤可畏山賊弄刀稍剔攘如何先想  
見智珠握憶我訂交始丞相敝經幄老鳳正軒翥迦陵

和何良弼集卷三  
三  
尚雛鰈秋鐙課風雨一友忽剝啄邇來廿餘載人事等  
夢覺其聚若萍梗其散若風鰈君從江鄉來圖繪出新  
貌詩筓舊雨贈千珠貫百珎聊且避暑雨聊且飲河朔  
歡促襟未暢別速感愈邈上將酬知厚下不負所學  
諸生選何武試聽中和樂

程侍郎遺集卷五

譚瑩玉生覆校